

**КАНОН  
ЗА БОЛЯЩЕГО**

печатается из канонника 1827 года издан.

**О ХРИСТИАНСКОМ  
ОТНОШЕНИИ К  
БОЛЕЗНЯМ**

Святителя Феофана затворника Вышенского

Боже, милостив буди мне грешному  
(поклон).

Боже, очисти грехи моя и помилуй мя  
(поклон).

Создавший мя, Господи, помилуй мя  
(поклон).

Без числа согреших, Господи, прости мя  
(поклон).

Владычице моя Пресвятая Богородице,  
спаси мя грешнаго (поклон).

Ангеле Хранителе мой святой, от  
всякого зла сохрани мя (поклон).

Святой (имя рек) моли Бога о мне  
(поклон).

Молитвами святых отец наших, Господи  
Иисусе Христе Боже наш, помилуй нас.  
Аминь.

Слава Тебе, Боже наш, слава Тебе.

Царю Небесный, Утешителю, Душе  
истины, Иже везде сый и вся исполняй,  
Сокровище благих и жизни Подателю,  
прииди и вселися в ны, и очисти ны от всякия  
скверны, и спаси, Блаже, души наша.

Святы́й Бо́же, Святы́й Кре́пкий, Святы́й  
Безсме́ртный, поми́луй нас. (*трижды*)

Сла́ва Отцу́ и Сы́ну и Свято́му Ду́ху, и  
ны́не и прісно и во ве́ки веко́в. Ами́нь

Пресвята́я Тро́ице, поми́луй нас;  
Го́споди, очисти грехи́ на́ша; Влады́ко, прости́  
беззако́ния на́ша; Святы́й, посети́ и исцели́  
немо́щи на́ша, имене Твоего́ ра́ди.

Господи, помилуй (*трижды*).

Слава, и ныне:

О́тче наш, И́же еси́ на небесе́х! Да  
святі́тся и́мя Твое́, да приидет Ца́рствие Твое́,  
да бу́дет во́ля Твоя́, я́ко на небеси́ и на земли́.  
Хлеб наш насущный даждь нам днесь; и  
оста́ви нам до́лги на́ша, я́коже и мы оставля́ем  
должникóм на́шим; и не введи́ нас во  
искуше́ние, но изба́ви нас от лука́ваго.

Господи, помилуй. (*12 раз.*)

Слава, и ныне:

Прииді́те, поклоні́мся Царе́ви на́шему  
Бо́гу. (*Поклон*)

Прииді́те, поклоні́мся и припаде́м  
Христу́, Царе́ви на́шему Бо́гу. (*Поклон*)

Прииді́те, поклони́мся и  
 припаде́м Само́му Христу́, Царе́ви и Бо́гу  
 нашему́. *(Поклон)*

*Псалом 50.*

Помі́луй мя, Бо́же, по вели́цей мі́лости  
 Тво́ей, и по мно́жеству щедро́т Тво́их очі́сти  
 беззакóние мо́е. Наипа́че омы́й мя от  
 беззакóнія моего́, и от греха́ моего́ очі́сти мя;  
 я́ко беззакóние мо́е аз зна́ю, и грех мой предо́  
 мно́ю есть ви́ну. Тебе́ Еди́ному согреши́х и  
 лука́вое пред Тобо́ю сотвори́х, я́ко да  
 оправди́шия во словесе́х Тво́их, и победи́ши  
 внегда́ суди́ти Ти. Се бо, в беззакóниих зачат  
 есмь, и во гресе́х роди́ мя ма́ти моя́. Се бо,  
 і́стину возлюбі́л еси́; безвѣ́стная и та́йная  
 премудро́сти Твоя́ явил ми еси́. Окропи́ши  
 мя иссо́пом, и очі́щуся; омы́єши мя, и па́че  
 сне́га убелю́ся. Слу́ху моему́ да́си ра́дость и  
 весе́лие; возра́дуются ко́сти смире́нныя.  
 Отврати́ лице́ Тво́е от грех мои́х и вся  
 беззакóнія моя́ очі́сти. Сѣ́рдце чи́сто сози́жди

во мне, Бо́же, и дух прав обнові́ во утробе́  
моёй. Не отвѣржи мене́ от лица́ Твоего́ и Ду́ха  
Твоего́ Свята́го не отыми́ от мене́.  
Возда́ждь ми ра́дость спасе́ния Твоего́ и  
Ду́хом Влады́чним утверди́ мя. Научу́  
беззако́ныя путе́м Твои́м, и нечесті́вии к Тебе́  
обратя́тся. Изба́ви мя от крове́й, Бо́же, Бо́же  
спасе́ния моего́; возра́дуется язы́к мой правде  
Твое́й. Го́споди, устне́ мой отвѣрзеши, и уста́  
моя́ возвестя́т хвалу́ Твою́. Яко́ а́ще бы  
восхоте́л еси́ же́ртвы, дал бых у́бо:  
всесоже́ния не благоволи́ши. Же́ртва Бо́гу  
дух сокруше́н; се́рдце сокруше́нно и  
смирённо Бог не уничижи́т. Ублажи́, Го́споди,  
благоволе́нием Твои́м Сио́на, и да сози́ждутся  
сте́ны Иерусали́мския. Тогда́ благоволи́ши  
же́ртву правды, возноше́ние и всесожега́емая;  
тогда́ возложат на олта́рь Твой тельцы́.

*Символ веры.*

Вѣрую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго[20] со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

**КАНОН, глас 3-й.***Песнь 1*

*Ирмос.* Пресекаемое море жезлом древле,  
Израиль пройде яко по пустыни, и  
крестообразно яве, предуготовляет стези.  
Сего ради поим во хвалении чудному Богу  
нашему, яко прославися.

*Прпев:* **Милостиве Господи, услыши  
молитву раб Своих, молящихся Тебе.**

В день печали нашедшия на ны к Тебе,  
Христе Спасе, припадающе, Твоя милости  
просим. Облегчи болезнь раба Твоего, изреки  
нам, яко сотнику: иди, се здрав есть отрок  
твой.

**Милостиве Господи, услыши молитву раб  
Своих, молящихся Тебе.**

Мольбы и моления с воздыханием к Тебе  
вопием, Сыне Божий: помилуй нас.  
Воздвигни со одра лежащаго, яко  
разслабленнаго словом: возьми одр твой,  
глаголя отпущаются ти греси твои.

**Слава:** Твоего, Христе, образа подобию поклоняющиеся, верою целуем, и болящему здравия просим, подражающе кровоточивей, **яже** подольца риз Твоих коснуса и исцеление недуга прият.

**И ныне:** Пречистая Госпоже Богородице, всем известная Помощница, не презри нас к Тебе припадающих, моли **яко** блага Своего Сына и Бога нашего дати здравие болящему, да Тя с нами прославляет.

### *Песнь 3*

*Ирмос.* **Иже** от не сущих вся приведый, словом созидаемая, совершаемая Духом Вседержителю **Вышний**, в любви Твоей утверди мене.

**Милостиве Господи, услыши молитву раб Своих, молящихся Тебе.**

**Иже** от тяжких болезней на земли повержен к Тебе, Христе, с нами вопиет, подаждь здравие телеси его, **якоже** Иезекии плакавшуся к Тебе.

**Милостиве Господи, услыши молитву раб Своих, молящихся Тебе.**

Призри, Господи, на наше смирение и не помяни беззаконий наших, но веры ради болящего, яко прокаженного словом, исцели ему болезнь, да Твое, Христе Боже, славится имя.

**Слава:** Церковь, юже еси освятил, на ту, Христе, не даждь поношения, но воздвигни невидимо в недуге на одре лежащаго, в нейже молим ти ся: да не рекут невернии, где есть Бог их.

**И ныне:** К Твоему пречистому, Богородице, образу руце воздеюще вопием: услыши раб Твоих молитву и спаси в болезни лежащаго, да от болезни востав, воздаст обеты, яже в печали глаголаша уста его.

Господи, помилуй. (*Трижды.*)

*Седален, глас 8-й.*

На одре греховнем лежаща мя, и страстьми уязвлена, и якоже воздвигл еси Петрову тещу

и спасе разслабленнаго носима со одром, тако и ныне посети, Милостиве, болящаго, понесый недуги рода нашего. Тебе Единого вемы терпелива и милосерда, милостива врача душам и телесем, Христа Бога нашего, наводяща недуги и паки исцеляюща, подавающа прощение кающимся о согрешениях, Единого Милосердаго и Милостиваго.

Слава: Аз грешный плачуся на одре своем лежа, прощение ми подаждь, Христе Боже, и от болезни сея воздвигни мя, и яже есмь от юности грехи сотворил, избыти ми сих молитвами Богородицы даруй.

И ныне: Умилосердися и спаси мя, воздвигни мя от одра болезненнаго, мощь бо моя во мне изнеможе и весь нечаянием одержим есмь, Мати Божия Пречистая, исцели недугующа люте, Ты бо еси Помощница христианом.

*Песнь 4*

*Ирмос.* Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем благодаряще: слава силе Твоей, Господи.

**Милостиве Господи, услыши молитву раб Своих, молящихся Тебе.**

Уже отчаянна лютым недугом и к смерти приближившаяся возврати, Христе, на живот и даждь плачущимся утеху, да вси прославляем Твоя святая чудеса.

**Милостиве Господи, услыши молитву раб Своих, молящихся Тебе.**

Тебе, Творче, каемся во своих гресех, яко не хочещи смерти грешници, оживи, уздрави болящаго, да возстав послужит Ти, исповедуя с нами Твою благодать.

**Слава:** Слезы Манасиины, ниневитян покаяние, Давидово исповедание примим, вскоре спасл еси, и наши молитвы ныне

приими, даждь здравие болящему, о немже  
Тя молим.

**И ныне:** Подаждь нам Твою милость,  
Госпоже, всегда на Тя надеющимся, испроси  
здравие болящему, врачевнии Твои руке с  
Предтечею, Богородице, ко Господу Богу  
простирающи.

### *Песнь 5*

*Ирмос.* На земли невидимый явился еси, и  
человеком волею сожил еси непостижимый, и  
к Тебе утренююще, воспеваем Тя,  
Человеколюбче.

**Милостиве Господи, услыши молитву раб  
Своих, молящихся Тебе.**

Дщерь Иаиорову уже умершу, яко Бог оживил  
еси, и ныне возведи, Христе Боже, от врат  
смертных болящаго, Ты бо еси путь и живот  
всем.

**Милостиве Господи, услыши молитву раб  
Своих, молящихся Тебе.**

**Сына вдовича оживив, Спасе, и тоя слезы**

преложив на радость, спаси от недуга тлеющего раба Своего, да и наша скорбь и болезнь на радость приидет.

**Слава:** Огненну болезнь Петрове тещи прикосновением Твоим исцелив, и ныне возстави болящего раба Твоего, да востав, яко Иона, послужит Ти.

**И ныне:** Скорбнии, смирении, грешнии, не имущии дерзновения к Тебе, Пречистая Богомати, вопием: умоли Сына Своего Христа дати болящему здравие телеси.

### *Песнь 6*

*Ирмос.* Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя Управителю, спаси.

**Милостиве Господи, услыши молитву раб Своих, молящихся Тебе.**

Бездну милосердия и милости имея, Христе Боже, услыши моления раб Твоих. Ты бо еси Петром Тавифу воскресив, Ты и ныне в

болезни лежащего воздвигни, послушав церковных молитвенник.

**Милостиве Господи, услыши молитву раб Своих, молящихся Тебе.**

Врачу душам и телесем нашим, понесый недуги всего мира, Христе, и Енея Павлом исцелимый, Ты и ныне болящего исцели, святых апостол молитвами.

**Слава:** Преложи, Христе, на радость рыдание о недужном скорбящих, да Твою получив милость, внидет в дом Твой, со обетными дарми, славяща Тя в Троице Единого Бога.

**И ныне:** Приидите, о друзи, поклонимся молящиеся о болящем Божией Матери. Та бо имеет власть недужныя исцеляти, со безмездником вкупе, духовным невидимо помазующе маслом.

**Господи, помилуй. (Трижды.) Слава и ныне:**

*Кондак, глас 3-й.*

Душу мою, Господи, во гресех всяческих, безместными деяньми разслаблену, воздвигни Божественным Своим человеколюбием, якоже и разслабленнаго воздвигл еси древле, да зову Ти спасаем: щедре Христе, даждь ми исцеление.

*Икос:*

**И**же руки Своя горстию содержай концы, **И**исусе Боже, **И**же Отцу Собезначальный и Духу Святому совладычествуя, яко плотию, явился еси, недуги исцеляя, и страсти очистил еси, слепыя просветил еси, и разслабленнаго словом Божественным совозставил еси, сего право ходяща сотворив, и одр повелел еси на рамо взяти. Темже вси с ним воспеваем и поем: щедре Христе, даждь ми исцеление.

*Песнь 7*

*Ирмос.* Прежде образу златому, персидскому чтилищу отроцы не поклонишася, трие поюще посреде пещи: отцев Боже, благословен еси.

**Милостиве Господи, услыши молитву раб Своих, молящихся Тебе.**

О Кресте Пресвятый Христов, Честное Древо животное, тобою смерть погибе и мертвии воскресоша, и ныне болящаго исцели и оживи, якоже при Елене умершую девицу.

**Милостиве Господи, услыши молитву раб Своих, молящихся Тебе.**

Долгую и лютую болезнь Иовлю на гноищи и в червех того молящася, словом исцелил еси, Господи. И ныне же в Церкви о болящем молим Тя: яко благ исцели невидимо молитвами святых Твоих.

**Слава:** Все ве мы, яко умрети нам есть, Тебе Богу тако изволившу, но на мало время, Милостиве, здравия просим болящему,

премени от смерти на живот, даждь скорбящим утеху.

**И ныне:** Пособствуй и помогай нашему сиротству, Богородице, Ты бо веси время и час, егда умолиши Сына Твоего и Бога нашего, дати болящему здравие и прощение от всех грех.

### *Песнь 8*

*Ирмос.* Служити живому Богу, в Вавилоне отроцы претерпевше, о мусикийских органех нерадиша, и посреде пламени стояще боголепную песнь воспеваху, глаголюще: благословите вся дела Господня Господа.

**Милостиве Господи, услыши молитву раб Своих, молящихся Тебе.**

Милость покажи, Владыко, в болезни раба Твоего, и скоро исцели, милостиве Христе Боже, и еще смерти не предаждь судней да Ти покаяние воздаст. Сам бо рекл еси: не хочу смерти грешници.

**Милостиве Господи, услыши молитву раб Своих, молящихся Тебе.**

Господи милостиве, Твоя преславная чудеса да и до нас ныне достигнут: бесы прожени, недуги погуби, раны исцели, болезни уврачуй, и потворы и чародеяния, и всякие язи избави ны.

**Слава:** Запретивый, Христе, морским ветром, и страх ученик на радость преложивый, запрети и ныне тяжким болезнем, труждающим раба Твоего, да вси возвеселимся, хваляще Тя во веки.

**И ныне:** Избави, Богородице, от обышедших ны печалей, различных недугов, отравы же и чародейства, и бесовского мечтания и от навета злых человек и напрасныя смерти, молим ти ся.

### *Песнь 9*

*Ирмос.* На Синайстей горе виде Тя в купине Моисей, неопально огонь Божества заченшую во чреве; Даниил же Тя виде гору несекому, жезл прозябший, Исаия взываше, от корене Давидова.

**Милостиве Господи, услыши молитву раб Своих, молящихся Тебе.**

Источниче жизни, подателю, Христе, милости, не отврати лица Твоего от нас. Облегчи болезнь утружденному болезнею, и воздвигни яко Фаддеем Авгаря, да присно Тебе славит, со Отцем и Святым Духом.

**Милостиве Господи, услыши молитву раб Своих, молящихся Тебе.**

Евангельскому верующе гласу, Твоего ищем обета, Христе: просите, рекл еси бо, рече, и дастся вам. Тем и ныне предстояще молим Тя, возстави со одра здрава лютым повержена недугом, да Тя с нами вкупе величает.

**Слава:** Мучимый недугом, внутрь невидимыми ранами, Тебе, Христе, с нами вопиет, не нам, Господи, не нас ради, вси бо исполнены грехов, но Матерними Ти и Предтечевыми молитвами даждь исцеление болящему, да Тя вси возвеличим.

**И ныне:** Божия Мати Пречистая, со всеми святыми призываем Тя, со Ангелы и

Архангелы, со пророки и патриархи, со апостолы, с преподобными и праведными молися Христу Богу нашему дати здравие болящему, да Тя вси величаем.

*Молитва*

Боже сильный, милостию строй вся на спасение роду человеческому, посети раба Своего сего (*имярек*), нарицающа имя Христа Твоего, исцели его от всякаго недуга плотскаго и душевнаго; и отпусти грех, и греховные соблазны, и всяку напасть, и всяко нашествие неприязненно далече сотвори от раба Твоего. И воздвигни от одра греховнаго, и устрой его во Святую Твою Церковь здрава душою и телом, и дела добрыми славящаго со всеми людьми имя Христа Твоего, яко Тебе славу возсылаем, со Единородным Твоим Сыном, и со Святым Духом ныне и присно и во веки веков. Аминь.

Достойно есть яко воистину блажити Тя Богородицу, Присноблаженную и

Пренепорочную и Матерь Бога нашего.  
Честнейшую Херувим и славнейшую без  
сравнения Серафим, без истления Бога Слова  
рождшую, сущую Богородицу Тя  
величаем. *(Поклон)*

Слава, и ныне: Господи, помилуй. *(Трижды.)*  
Господи, благослови.

Господи, Иисусе Христе, Сыне Божий,  
молитвами Пречистыя Твоя Матере,  
преподобных и богоносных отец наших и  
всех святых помилуй и спаси нас, яко Благ и  
Человеколюбец. Аминь.

## О ХРИСТИАНСКОМ ОТНОШЕНИИ К БОЛЕЗНЯМ

Мы верим, что ничто в мире не происходит по воле слепого случая, но жизнь наша управляется благим Промыслом Божиим. Если у нас и волосы на голове все сочтены (Мф. 10, 30), то тем более не случайны те скорби и болезни, которые порой приключаются с нами.

Болезни попускаются Богом с разными целями: одному — как венец славы, другому — как наказание за грех, третьему — во вразумление. **Но во всех случаях болезнь есть знак посещения Божия, проявление заботы Его о падшем человеке.**

Воля Божия всегда направлена к тому, чтобы все люди спаслись и достигли познания истины (1 Тим. 2, 4). Поэтому, если цель, с которой попущено данному человеку страдание от болезни своей или ближнего, достигнута, то Господь может исцелить

болящего, так как болезнь - это орудие Промысла Божия - становится ненужной.

Яркий пример тому мы находим в Священном Писании. Евангелие повествует нам, как однажды Господь исцелил отрока, страдавшего от духа нечистого, по молитве отца его.

Трудны болезни тела, куда более тяжела болезнь души, нет ничего страшнее недугов духовных, к которым относится и беснование.

По собственному опыту мы знаем: как ни тяжело болеть самому, но еще труднее переносить страдания любимого дитяти, особенно единственного.

"Сжался над нами и помоги нам",— воскликнул скорбящий отец, и Иисус... запретил духу нечистому... и исцелил отрока (Мк. 9, 22, 25).

Мало ли скорбящих и больных на земле? Многие из них вопиют к Богу об исцелении, но далеко не все получают просимое.

Почему Господь в одном случае исцеляет сразу, а в другом медлит? Такой вопрос невольно возникает у нас.

Болезнь сына была попущена с одной-единственной целью: привести отца ко Христу, даровать ему веру, а через нее — спасение. Длительная «с детства», болезнь отрока и связанное с ней душевное страдание умягчило сердце отца и сделало способным воспринять веру в Сына Божия. Иисус сказал ему: "если сколько-нибудь можешь веровать, все возможно верующему" (Мк. 9, 23). Горчичное зерно веры, упавшее на удобренную долгим терпением и политую слезами скорби почву сердца, сразу проросло. Появился росток веры, пока еще очень слабый, но уже тянувшийся к Свету: "Верую, Господи! помоги моему неверию". (Мк. 9, 24).

Совершилось. Воля Божия исполнилась. Семя веры проросло. Болезнь отрока принесла именно те плоды, которые должна

была принести по замыслу Божию. Теперь она не нужна. И Господь исцеляет отрока.

Мы часто думаем, что если долго молиться, да еще какими-нибудь особенно сильными молитвами, то Господь смилуется над нами и подаст исцеление. Не в многословии своем мы будем услышаны, но только тогда, когда принесем в результате долгой молитвы те плоды, которых ждет от нас Господь и для возвращения которых нам попустил болезнь.

Поэтому нам надо не с отчаянием и унынием воспринимать всякое заболевание, но с верой в то, что это нужно для нашего спасения. Будем всегда просить Господа, чтобы Он помог нам это понять, чтобы нам не противиться воле Божией, но познавать ее, следовать ей, тем самым приближая исцеление — сначала души, а потом и тела.